

ପିତର ଲିଖିତ ଦ୍ରୀତିକ୍ଷ ପତ୍ର ପିତର ରାତାମାନି ରୀ ଲମ୍ବର ଆକୁ ମୁକୁ ହାଡ଼ା

ପିତର ରୀ ଲମ୍ବର ଆକୁତି ପାଣ୍ଡୁଆତି ପିତର ରାତାମାତେସି, ସାମା ହାରେକା ବୁଦିଗାଟାରି ନୀଏଁ ଝିଏ ଇଦି ସାତା ଇଞ୍ଜି ନାମିହିଲଅରି □ ଇଦାଆଁ ପିତର ତାଣାଟି ଆମ୍ବାଆସି ଆପେ ରାତାମାଣ୍ଡିନେସି □ ରାତାମାନାସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାରତିତା ନୀତାମାଟାଣି ଅଡେ ମୁମ୍ବୁ ବାଦ୍ଲି ଆହାମାଟାଣି ତାନୁଏ ମେସାମାତେସି ୧:୧୭-୧୮ □ ଇ ଆକୁତି ପିତର ରାତାମାଟିସାରେ ଏଞ୍ଜାସି ରମ୍ଭତା ମାଞ୍ଜାନା ତାନୁ ହାଡ଼ି ନବେଏ ଜୀସୁ କ୍ରୀସ୍ତ ଜାର୍ନାଆଡ଼ି ୨୫-୨୯ ବାର୍ସା ତାୟୁ ରାତାମାତେସି □ ପିତର ରୀ ଲମ୍ବର ଆକୁତି ତାୟୁ ପିତର ରାଡ଼ିତି କାଲମି ଝେସାନା ଏଲେଇତେସି ଇଦି ରୀ ପାଲିତି ଆକୁ ୩:୧ □ ଏଞ୍ଜାସି ଇ ଆକୁତା ବାରେ କ୍ରୀସ୍ତାନା ଲକୁତି ଦରୁ ଝେକ୍‌ହେସି □

କ୍ରୀସ୍ତଇଁ ନାମିତି ଲକୁ ନେହଁକଁ ନୀତାବାଡ଼କାଲି ସାସା ହୀହାଲି ଅଡେ ମିତିତାଣି ଜାପ୍‌ନାରି ତାଣାଟି ଜାଗ୍ରାତା କିହାଲି ଇ ଆକୁ ପିତର ରାତାମାନେସି ୨ ପାର୍ବୁ □ ପିତର ଏଞ୍ଜାରାଇଁ ଜୀସୁ ତବେ ଝାହାହିଲଅସି ଇଞ୍ଜିମାନି ଲକୁ କାତା ଆହୁଆଦୁ ଇଞ୍ଜି ସାସା ହୀତେସି □ ଏଞ୍ଜାସି ତସାନା ଝେସେସି ମାହାପୁରୁ ନିସ୍ତା ଆହଁ କାମାକିନାସି ଆଏ ସାମା ଏଞ୍ଜାସି ବାରେଜାଣାତି ଗେଲୁପି ଆହାଲି ଅଣ୍ଡପିମାନେସି ୨ପିତ ୩:୮-୯ □ ଏଦାଆଁତାକି ନେହଁ ମାଣ୍ଡକିତି ଜୀଞ୍ଜୁତଲେ ନୀଡିନାୟି ମାନେ ୩:୧୪ □

ପତିତା ମାନାୟି

୧ ପିତର ତାଙ୍ଗେ ଝେକ୍‌ହା କଡିନାୟି ଅଡେ ତାନି ଆକୁତି ପଡ଼ଞ୍ଜି ଆନାରାଇଁ ଝେହ୍‌ନାୟି □ ୧:୧-୨

୨ ଏଞ୍ଜାସି ଏଞ୍ଜାରାଇଁ ନେହଁକଁ ନୀତାବାଡ଼କାଲି ଅଣ୍ଡପି କିହିମାନେସି ଏନାଆଁତାକି ଇତିହଁ ମାହାପୁରୁ ମାଙ୍ଗେ ବାଡ଼ୟୁ

ହୀହାମାଞ୍ଜାନେସି □ ୧:୩-୨୧

୩ ଏଞ୍ଜାସି ମିତି ଜାପ୍ନାରି ତାଣାଟି ଜାଗ୍ରାତା ଆହାଲି ଝେସାମାନେସି
ଅଡେ ଜୁଗୁ ରାନ୍ତି ଦିନାତା ଏଞ୍ଜାରାକି ଏନାଆଁ ଆନେ ଇଞ୍ଜି
ଝେସାମାନେସି □ ୨:୧-୨୨

୪ କ୍ରୀସ୍ତୁଇଁ ନାମିତି ଲକ୍ଷୁଣି ଜୀସୁ ଝେଣ୍ଡେ ଝାନ୍ତି ଦିନା ପାତେକା
ନେହଁ ଜୀସ୍ତୁତଲେ ତିୟାରା ଆହା ମାଞ୍ଜାଲି ସାସା ହୀହାନା,
ପିତର ତାନି ଆକୁ ରାପ୍ନାୟି □ ୩:୧-୧୭

୧ ସିମନ ପିତର, ର. ହଲେଏସି ଅଡେ ପାଣ୍ଡୁଝି ଆହାମାନାସି,
ମା. ମାହାପୁରୁ ଅଡେ ଗେଲ୍‌ପାନି ଜୀସୁ କ୍ରୀସ୍ତୁତି ଦାମ୍ବୁତାକି ଆମିନି
ଗାଟାରି ମା. ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି,
ଏଞ୍ଜାରିତାଣା ଆକୁ ରାଟିମାଇଁ □

୨ ମାହାପୁରୁ ଅଡେ ମା. ପ୍ରବୁ ଜୀସୁତି ବୁଦିତଲେ ମିଙ୍ଗେତାକି
କାର୍ମାମେହ୍ନାୟି ଅଡେ ହିଡ଼ି ଜୀସୁ ହାରେକା ଗାତି ଆୟାପେ □

ମାହାପୁରୁ ହାଟିନାୟି ଅଡେ ଆଟିନାୟି

୩ ଆମ୍ବାଆସି ତାନି ଗାଞ୍ଜୁରମି ଅଡେ ନେହଁ ଗୁଣୁତଲେ ମାଙ୍ଗେ
ହାଟାମାଞ୍ଜାନେସି, ମାହାପୁରୁ ତାନି ବୁଦିତଲେ ଲାକପୁରୁତି ବାଡ଼ୁନ୍ନୁତି
ମାଙ୍ଗେ ଜୀସୁ ଅଡେ ଦାମ୍ବୁତି ଜିରୁ ତାକି ବାରେ ଲଡ଼ାମାନାଣି
ହୀହାମାଞ୍ଜାନେସି □

୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାତି ଦାରା ଅଡେ ହାରେକା
ଲଡ଼ାଗାଟି ଆଞ୍ଜାମାନି ଦାନା ହୀହାମାଞ୍ଜାନେସି, ଏନ୍ତିକଁ ଏ. ବାରେ
ତଲେ ମୀରୁ ଲାଗେଏତି ଅଣ୍ଡପୁତା ଆହ୍‌ମାନି ଆମିନି ନାସା
ଆନ୍ତି ଦାର୍ତ୍ତିତା ମାଞ୍ଜେରି, ଏମ୍ବାଟି ଗେଲ୍‌ପି ଆହାନା ଲାକପୁରୁତି
ଗୁଣୁତଲେ ଆଣ୍ଡାଦୁ □

୫ ଇଦାଆଁତାକି ମୀରୁ ହାରେକା ଜାଡ଼ୁନ୍ନୁତି ନାମୁତଲେ ନେହଁ
ଗୁଣୁ, ଅଡେ ସାତା ଗୁଣୁତଲେ ବୁଦି,

୬ ବୁଦିତଲେ ଆଙ୍ଗାତି ଲକ୍ନାୟି, ଆଙ୍ଗାତି ଲକ୍ନାଣି ତଲେ ସାସା,
ସାସାତଲେ ଦାମ୍ବୁତି କାମା କିନାୟି,

୭ ଦାର୍ମ୍ଭିକ କାମାକିନାଣି ତଳେ ତାୟିୟାଙ୍କୁ ଜୀବୁନନାୟି, ତାୟିୟାଙ୍କୁ ଜୀବୁ ନନାଣି ତଳେ ବାରେ ଲକ୍ଷ୍ମୀଙ୍କୁ ଜୀବୁ ନନାଣି ଆବୁଦୁ □

୮ ଈ ନେହୁଁ ଗୁଣୁୟା ମିଙ୍ଗେ ଲଡ଼ାମାନେ; ଈ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତ ଚୁଦି ମିଙ୍ଗେ ପାର୍ସାଡ଼ା ଅଡ଼େ ବାରେ ମେଡ଼ି କିହାମାଜାନେ □

୯ ସାମା ଈ ବାରେ ଗୁଣୁ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନକେଏ କିତି ବାରେ ପାପୁଟି ନରୁଞ୍ଜି ଆଡ଼ାଣି ଏଞ୍ଜାସି ବାଣନ୍ତି ଆହାମାନେସି □

୧୦ ଈଦାଆଁତାକି, ଏ ତାୟି ତାଙ୍ଗିସ୍ତା, ମାହାପୁରୁ ମିଙ୍ଗେ ଆଡ଼ାନା ହାଟାମାଜାନାଣି ଅଡ଼େ ମନତି ଅଣ୍ଟାପୁ ତୀରି କିହାଲି ହାରେକା ଜାଡ଼ନୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏଚେଲା ଜିକେଏ ମୀ ନାମୁତା ଉଣା ଆଡ଼େତେରି □

୧୧ ଇଞ୍ଜା ଇଲେକିହୁଁଏ ମା ପ୍ରବୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍ତ କାଲ୍‌କାଲ୍‌ତି ରାଜିତା ରାହାଁତଲେ ହାଜାଲି ମିଙ୍ଗେ ହାପ୍‌କି ଆୟାନେ □

୧୨ ଈଦାଆଁତାକି ମୀରୁ ଈ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହୁଁକଁ ତୀରି ଆହାମାଞ୍ଜେରି, ଆଡ଼ିଜିକେଏ ନାନୁ ଈ ବାରେ କାତା କାଲେଏ ମିଙ୍ଗେ ଅଣ୍ଟି କିଞ୍ଜିକିହାଲି ଜାଗାତା ଡ଼ୟିଙ୍କୁ □

୧୩ ନାନୁ ନୀତାମାନି ପାତେକା ଈ ବାରେ କାତା ତାକି ମିଙ୍ଗେ ସେଡ଼ନା କିହାଲି ନାନୁ କିନାୟି ମାନେ ଇଞ୍ଜୁଁ ଅଣ୍ଟିମାଙ୍କୁ □

୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନ୍‌କିଁ ଝେସାମାଜାନେସି, ଏଲେକିହୁଁ ନାଙ୍ଗେ ଦାପେ ଈ ନା ଆଙ୍ଗା ଲେହେଁତି ତୁମ୍ଭ ପିସାଲି ଆନେ,

୧୫ ଅଡ଼େ ନା ହାଡ଼ି ତାୟୁ ଜିକେଏ ମୀରୁ ଏନ୍‌କିଁ ଈ ବାରେ କାତା କାଲେଏ ଅଣ୍ଟାପୁତା ଇଟିଦେରି, ଈଦାଆଁତାକି ନାନୁ ଅଣ୍ଟିମାଙ୍କୁ □

କ୍ରୀସ୍ତ ଗାବୁରମି ମେସ୍ତାରି ସାକି

୧୬ ଇତିହୁଁ ମାମ୍ବୁ ଏଟିବେଲା ମା ପ୍ରବୁ ଜୀସୁ କ୍ରୀସ୍ତ ବାଡ଼ନ୍ତୁ ଅଡ଼େ ଖାହିମାନି କାତା ମିଙ୍ଗେ ପୁଣ୍ଡି କିୟାତମି, ଏଟିବେଲା ଏନ୍‌

ସୁଦୃଢ଼ି ତଳେ କେପିତି ପୁସ୍ତପନିକା ଆସା ହିଲାଆତମି, ସାମା ତାନି
ଗାଝୁରମିତି କାଣ୍ଟା ତଳେ ମେସ୍ତି ସାକିୟା ଆହାମାତମି □

୧୭ ☆ଏତିବେଲା କାଜା ଗାଝୁରମିତି ଏଝାଣାକି ଇ ହାଡ଼ା ଝାଡେ,
ଏତିବେଲା ମାମ୍ବୁ ଏମ୍ବାଆଁ ମାତମି, “ଇଝାସି ନା ଜୀଝୁତି ମୀରଏସି
ଇଝାଣି ତାଣେଏ ନା ହାରେକା ରାହାଁ ମାନେ □” ଏତିବେଲା ଏଝାସି
ଆବା ମାହାପୁରୁ ତାଣାଟି ସାମ୍ବୁ ମି ଅଡେ ଗାଝୁରମି ବେଟାଆଡେସି;

୧୮ ମାମ୍ବୁ ତାନିତଳେ ଏ ସୁଦୁ ହରୁ ଲାକ ମାଟିବେଲାତା ମାମ୍ବୁ
ହାରୁ ଲାକଟି ଝେଙ୍ଗିତି ଇ ହାଡ଼ା ଝେଞ୍ଜାମାନମି □

୧୯ ଏମ୍ବାଆଁ ମାହାପୁରୁ ଅଶ୍ପୁତି ବଲୁ ଝେକ୍‌ହାନାରି ଝେକ୍‌ହାମାଟି
ମାହାପୁରୁ ଅଶ୍ପୁତି ବଲୁ ମାଙ୍ଗେତାକି ହାରେକା ଆବ୍‌ଝା ଆଡେ;
ମୀରୁ ଏଦାଆଁ ଆନ୍ଦେରିତା ଡ଼ାଞ୍ଜାମାନି ଦୀଝଁ ଲେହେଁ ଅଶ୍ପାଦନା ଲାଆଁ
ଝେୟାଆ ପାତେକା ମୀ ହିୟାତା ଝେୟାଜାରା ହୁକା ହଆ ପାତେକା
ଏଡ଼ାଣି ମନ୍ ହାତିହଁ ନେହେଁ ଆନେ □

୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍ବୁ ପତିତା
ରାସ୍‌କି ଆହାମାନି ମାହାପୁରୁ ବଲୁତି ଜାହାରା ବୁଦିତଳେ ତେଲ୍‌ହାଲି
ଆଡ଼ାଆୟି □

୨୧ ଇତିହଁ ଆମିନି ମାହାପୁରୁ ଅଶ୍ପୁତି ବଲୁ ଝେକ୍‌ହାନାରି ଝାବର
ତାମ୍ବୁ ମାଣସି ଅଶ୍ପୁତି ଆମ୍ବାଆସି ଜିକେଏ ଝେକ୍‌ହା ହିଲଅରି, ସାମା
ମାହାପୁରୁ ପାଣ୍ଡିତି ମାଣସିୟା ସୁଦୁଜୀଝୁତି ସାଲ୍‌ଝି ଆହାନା ଏଝାରି
ଅଶ୍ପୁତି ବଲୁ ଝେସାମାଚେରି □

୨

ମିତି ଜାପ୍‌ନାରି

୧ ସାମା ଲକୁ ତାଣାଟି ମିତି ମାହାପୁରୁ ବଲୁ ଝେକ୍‌ହାନାରି ହଡେରି;
ଏଲେକିହଁଏ ମୀ ବିଡ଼ାଟି ମିତି ଜାପ୍‌ନାରି ହନେରି; ଏଝାରି ନାସା
ଆନିଲେହେଁତି ନାଡ଼ିକିନି ଅଶ୍ପୁ, ଡ଼ଗୁନା ଝେକ୍‌ହାନା ଏଝାରାଙ୍ଗ
କତାମାନି ପ୍ରବୁଙ୍ଗ ଜିକେଏ ପୁଞ୍ଜାହିଲଅମି ଇନେରି, ଅଡେ ଜାହାରାଙ୍ଗ
ଦେବୁଣିଏ ନାସା କିୟାନେରି □

☆ ୧:୧୭ ୧:୧୭ ମାଟି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

୨ ଅତେ ହାରେକା ଲକ୍ଷ୍ମି ଏଞ୍ଜାରି ଲାଗେଏ କାମାତି ଜେତ ହାନେରି,
ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନ୍ତେ ।

୩ ଏଞ୍ଜାରି ଦନ ଜୁପକାତାକି ମିତି ଜାପୁହାନା ମୀ ତାଣାଟି ତାବୁୟା
ଲାବା ବେଟାଆହାଲି ଅଣ୍ଟିନେରି, ଏଞ୍ଜାରି ତଣ୍ଡ ତଲି କାଲାଟିଏ
ଆହିମାନେ ଅତେ ହାରେକା ଦିନାଟିଏ ମାହାପୁରୁ ଏଞ୍ଜାରାଇଁ ବିଚାରା
କିହାମାନେସି, ଏଞ୍ଜାରି ନାସା ଆନାୟି ଖାତେୟି ।

୪ ଇଚିହଁ ମାହାପୁରୁ ପାପୁ କିତି ଦୂତୁୟାଁଁ ପିହୁଆନା ହିରୁ
ଗାଡ଼ୁୟାତା ମେଡ଼ହା ମାନେସି, ଏମ୍ବାଆଁ ଏଞ୍ଜାସିକା ନୀହାୟି ଆନି ଦିନା
ପାତେକା ଆନ୍ଦେରି ଗାଡ଼ୁୟାତା ଇଟାମାନେସି ।

୫ ମାହାପୁରୁ ପୁଣି ଦାର୍ତତି ଜିକେଏ ପିସାହିଲଅସି, ସାମା ଦାମ୍ବୁ
କାତା ଖେହ୍ନି ନହ ଇଞ୍ଜା ତାନିତଲେ ସାତା ଜାଣାଇଁ ଗେଲ୍‌ପାନା
ପାପୁତି ଦାର୍ତତି ଏୟୁତଲେ ବୀଡ଼ି କିତେସି;

୬ ଏଞ୍ଜାସି ସଦମ ଅତେ ଗମରା ଗାଡ଼ାତି ଦାର୍ମ୍ବୁ ମୁଁପହାନା ନାସା
କିହାଲି ତଣ୍ଡି ହୁକୁମି ହୀତେସି ଅତେ ଏଞ୍ଜାରାଇଁ ତାୟୁ କାଲାତି ଦାମ୍ବୁ
ହିଲାଆଗାଟାରି ପୁଣ୍ଡିକିନିଲେହେଁ କିତେସି ।

୭ ଅତେ ପାପୁ ଦହଗାଟି ଲକ୍ଷ୍ମି ଲାଗେଏ ପଲେଏ କାମାଟି ହେକ
ଆହାମାନି ଦାମ୍ବୁଗାଟି ଲଟାଇଁ ମାହାପୁରୁ ଗେଲ୍‌ପିତେସି,

୮ ଏ ଦାମ୍ବୁଗାଟାସି ଏଞ୍ଜାରିତଲେ ବାସା କିହାଁ ଏଞ୍ଜାରି ଲାଗେଏତି
କାମା ମେସା ଅତେ ଖେଞ୍ଜାନା ଦିନମି ତାକି ଦିନମି ଦାମ୍ବୁଗାଟାସି
ଆହାନା ହାରେକା ଦୁକୁ ବେଟାଆହିମାଟେସି ।

୯ ଇଲେକିହଁ ଏ ପ୍ରବୁ ଦାମ୍ବୁଗାଟାରାଇଁ ତାୟିପାରି କିନି ତାଣାଟି
ଗେଲ୍‌ପାଲି ଇଚିହଁ ଦାମ୍ବୁ ହିଲାଆଗାଟାରାଇଁ, ଆମ୍ବାଆରି ଆଙ୍ଗାତି
ଲାଗେଏତି କାମାତା ସାଲ୍‌ଖି ଆହାନା ପ୍ରବୁଇଁ ମାନି କିଅରି, ଏଞ୍ଜାରାଇଁ
ବିଚାରା ଦିନାତି ତଣ୍ଡ ତାକି ଇଟାଲି ପୁଞ୍ଜାମାନେସି ।

୧୦ ଇଚିହଁ ଆମ୍ବାଆରି ମାହାପୁରୁତି ଅଦିକାରାତି ହୀଣି କିହାନା
ଜାହାରା ଆଙ୍ଗାତି ଜୁପକାତା ଡ଼ୟିମାନେରି, ଏଞ୍ଜାରି ଏ କାଜା ନୀହାୟି
ଦିନା ପାତେକା ଏନିକଁ ତଣ୍ଡ ହୀହାନା ଇଟାଲି ଆନ୍ତେ । ଏ ମିତି
ଜାପୁନାରି ଆଜାଆ ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରମି ଗାଟାରାଇଁ
ମାନି କିଆନା ଏଞ୍ଜାରାଇଁ ଲାଜା କିହିମାଞ୍ଜେରି ।

୧୧ ଆଡ଼ିଜିକେଏ ହାରେକା ବାଡ଼ୁୟୁ ଅଡ଼େ କାଜାପାଣା
ବେଟାଆହାମାନି ଦୁଡ଼ୁୟା ପ୍ରବୁ ନକିତା ଏଞ୍ଜାରି କପାଟି ନିଜ୍ଞାନା
ନିନ୍ଦାକିହିଁ ବିଚାରା କିଅରି □

୧୨ ସାମା ଇଞ୍ଜାରି ବୁଦି ହିଲିଆ ଜନ୍ତୁ ଲେହେଁତାରି, ଏଞ୍ଜାରିଲେହେଁ
ଇ ମିଟି ଜାପ୍ନାରି ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡ଼ଅରି
ଏଦାଆଁ ଏଞ୍ଜାରି ନିନ୍ଦା କିନେରି, ସାମା ଏଞ୍ଜାରି ଜାଡ଼ାତି ଜନ୍ତୁ ଲେହେଁ
ନାସା ଆନେରି,

୧୩ ଏଞ୍ଜାରି ଲାଗେଏତି କାମା କିହାମାଟିସାରେ ଲାଗେଏ କମାତି
ପାଡ଼େୟି ବେଟାଆନେରି □ ଏନାୟି ଏଞ୍ଜାରି ଆଜ୍ଞା ତାକି ନେହେଁ
ହନେ, ଏଦାଆଁ ଏଞ୍ଜାରି ମାଦେନା କିହାନା ରାହାଁ ବେଟାଆନେରି □
ଏଞ୍ଜାରି ଜାହାରା ନାଡ଼ି କିଞ୍ଜିଆନି କାମାତା ରାହାଁ କିହିଁ ମୀ ତଲେ
ଡ଼ିଞ୍ଜାଲି କୃତା ଆନେରି □

୧୪ ଏଞ୍ଜାରି କାଣ୍ଡକା ଦାରି କାମାତା ନେଞ୍ଜା ଡ଼ୟିନ୍, ପାପୁ ପିସାଲି
ମନ କିଅରି, ଏଞ୍ଜାରି ତିକିତାକାଗାଟି ହାରେକା ଲକୁଇଁ ଜୁପକା
ତହନେରି, ଏଞ୍ଜାରି ହିୟାଁ ଦନତି ଜୁପକାତା ଡ଼ୟିନେ, ଏଞ୍ଜାରି ବାରେ
ବାକା ବେଟାଆନାରି □

୧୫ ଆମ୍ବାଆସି ଲାଗେଏତି ବାଡ଼କୁ ଜୁପକାତି ଜୀଞ୍ଜୁ ନନ୍ଦି ବିୟରା
ମୀର୍ଏସି ବିଲିୟମତି ଜେଟ ଜେଟ ହାଚେସି ଅଡ଼େ ସାତା ଜିରୁ
ପିସାନା ଲାଗେଏ ଜିରୁ ହାଚେସି □

୧୬ ସାମା ଏଞ୍ଜାସି ତାନି କିତି ଦହତାକି ଲାଗି ବେଟାଆଡ଼େସି,
ଇଞ୍ଜା ର ଜଲ୍ଲାଲି ଆଆଗାଟି ଗାଡ଼ଦେ ମାଣ୍ଡସି ହାଡ଼ାତଲେ ଜଲ୍ଲାହାଁ
ମାହାପୁରୁ ଅଣ୍ଡପୁତି ବଲ୍ଲୁ ଝେହ୍ନି ତାଣାଟିଏ ସାପି କିଡେ □

୧୭ ଇ ମିଟି ଜାପ୍ନାରି ଏୟୁ ଝାୟିତି ଜାର୍ଣା ଲେହେଁତାରି ଅଡ଼େ
କାଜା ଗାଲିତା ଡ଼ମ୍ବିନି ହାଗୁ ଲେହେଁତାରି, ମାହାପୁରୁ ଏଞ୍ଜାରାକି
ହାରେଏ ଆନ୍ଦେରିଗାଟି ଟାୟୁ ଇଟାମାନେସି □

୧୮ ଇଚିହିଁ ଏଞ୍ଜାରି ଉଜେଏତି ବଡ଼ପଣତି ଡାହାରା କାତାୟାଁ
ଝେହ୍ନେରି ଇଞ୍ଜା ନାଡ଼ିକିନି ମାଣକିଗାଟି ଲକୁ ତାଣାଟି ଗେଲ୍ପି
ଆହାମାନି ଲକୁଣି, ତାମି ଆଜ୍ଞାତି ଜୁପକାଟି କାମା କିହାନା ପାନ୍ଦାତା
ମେଡ଼ନେରି;

୧୯ ଏଞ୍ଜାରି ଏଞ୍ଜାରାଇଁ ମେଲ୍ଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜାହିଁ

ଆଞ୍ଜିନେରି, ସାମା ଏଞ୍ଜାରି ତାମ୍ବୁ ନାସା କିଞ୍ଚିକିନି କାମାତି ହଲିୟାଙ୍ଗା
ଆନେରି; ଏନାଆଁତାକି ଇତିହ ଆମ୍ବାଆସି ଆମ୍ବାଆରି ତାଣା ହାରଞ୍ଜି
ଆନେସି ଏଞ୍ଜାସି ଏମ୍ବାତି ହରେଏସି ଆନେସି □

^{୨୦} ଇତିହ ଏଞ୍ଜାରି ପ୍ରବୁ ଅଡେ ଗେଲ୍‌ପିନି ଜୀସୁ କ୍ରୀସ୍ତତି
ବୁଦିତଲେ ଦାର୍ତତି ଲାଗେଏତି ତାଣାଟି ଗେଲ୍‌ପି ଆହାନା ଖେଣ୍ଡେ
ଏମ୍ବାତି ପାନ୍ଦାତା ଦସପି ଆହାନା ହାରଞ୍ଜି ଆନେରି, ଆତିହ
ଏଞ୍ଜାରାକି ତଲିତି ଡଣ୍ଡ କିହାଁ ତାୟୁତି ଡଣ୍ଡ ହାରେକା କସ୍ତଗାଟାୟି
ଆନେ □

^{୨୧} ଇତିହ ଦାମ୍ବୁତି ଜିରୁ ପୁଞ୍ଜାନା ଏଞ୍ଜାରାକି ହେରପି ଆହାନାନି
ସୁଦୁ ହୁକୁମି ପିହ୍ନି କିହାଁ ଏନାଆଁ ଏତେଲାଞ୍ଜା ପୁଞ୍ଜାହିଲାଆତିହ
ନେହ ଆଡେମା □

^{୨୨} “ନେଃଉଡି ତାନୁ କାକ୍‌ଞ୍ଜାନା ଖେଣ୍ଡେ ତିଞ୍ଜାଲି ଇଞ୍ଜା ନରଞ୍ଜି
ଆହାନାନି ପାଜି ଅଡେ ଖେଣ୍ଡେ ଲାଦିତା ତେରମ୍ବାଲି ହାନେ”
ଏଞ୍ଜାରାକି ଏ ଖେକ୍‌ହାନାନି ସାତା କାତା ଏଞ୍ଜାରାକି ଆହାନାନେ □

୩

ପ୍ରବୁ ଖେଣ୍ଡେ ଖାନ୍ତି ଦିନା

^୧ ଏ ଜୀଞ୍ଜୁତି ତାୟି ତାଙ୍ଗିସ୍ତା, ନାନୁ ନୀଏଁ ମୀ ତାଣା ଇ ରୀ ଲମ୍ବର
ଆକୁ ରାଡିମାଙ୍ଗ, ଇଦାଆଁତାକି ଇ ରୀ ଆକୁତା ନାନୁ ମିଙ୍ଗେ ଏ ବାରେ
ଅଣ୍ପି କିହାନା ମୀ ସୁଦୁ ମନତି ପାତିକିହାଲି ଅଣ୍ପିମାଙ୍ଗ □

^୨ ମୀରୁ ଏନିକ ସୁଦୁଗାଟି ମାହାପୁରୁ ଅଣ୍ପୁତି ବଲୁ ଖେହ୍ନାରି
ତାଣାଟି ତଲି କାଲ୍‌ତା ଖେସାମାନି ବାରେ ବଲୁ ଇଞ୍ଜା ପାଣ୍ଡୁଞ୍ଜି
ଆହାନାନାରି ତାଣାଟି ଖେସପିଆହାନାନି ପ୍ରବୁ ଇଞ୍ଜା ଗେଲ୍‌ପାନାଣା
ହୁକୁମି ଅଣ୍ପୁତା ଇଟାଦୁ □

^୩ ☆ତଲିଏ ମୀରୁ ଇ କାତା ପୁଞ୍ଜୁ, ଇ ରାନ୍ତି ବେଲାତା ଏତରଜାଣା
ତାମି ଲାଗେଏ ପଲେଏ କାମା ତଲେ ତାକିନେରି; ଏଞ୍ଜାରି ମିଙ୍ଗେ
ଲାଜା କିୟାନେରି □

^୪ ଏ ଲାଜା କିୟାନାରି ଖାହାନା ଏଞ୍ଜାରି ମିଙ୍ଗେ ଲାଜାକିହ
ଏଲେଇଞ୍ଜାନେରି “ଜୀସୁ ଖେଣ୍ଡେ ଖାଙ୍ଗ ଇଞ୍ଜୁ ଖେସାମାଞ୍ଜାତେସି

ଆତିହାସିକ ଏହାପାଇଁ ଏତେଲା ଖାନ୍ଦନସି ? ଇତିହାସିକ ମା ଆକୁ ଆବାୟା ହାଡ଼ି ଦିନାଟିଏ ନୀର୍ବ୍ୟ ପାତେକା ବାରେ ଦାର୍ତ୍ତିତ ଗାଡ଼ି ଆଡ଼ି ଦିନାଟିଏ ଏନିକି ମାରେ, ଏଲେକିହାସିକ ଏ ନୀର୍ବ୍ୟ ଜିକେଏ ଡ଼ୟାମାନେ ।”

୫ ଏହାରି ପୁଞ୍ଜା ପୁଞ୍ଜାନା ବାଣ୍ଟି ଆନ୍ଦନରି, ତଲି କାଲାତା ମାହାପୁରୁ ହୁକୁମି ହାତେସି ଅଡ଼େ ହାଗୁପାକା ଅଡ଼େ ଦାର୍ତ୍ତି ଗାଡ଼ି ଆଡ଼େ ଅଡ଼େ ଦାର୍ତ୍ତି ଏୟୁ ତାଣାଟି ଏୟୁ ଗୁରତାନା ଗାଡ଼ି ଆଡ଼େ ।

୬ ଅଡ଼େ, ଏହାଣି ତାଣାଟି ଏ ତଲି କାଲାତି ଦାର୍ତ୍ତି ଏୟୁତଲେ ନାସା ଆଡ଼େ;

୭ ସାମା ନୀର୍ବ୍ୟ ହାଗୁପାକା ଅଡ଼େ ଦାର୍ତ୍ତି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନୀହାୟି ଅଡ଼େ ନାସାଟି ଦିନା ପାତେକା କୁଡ଼ି ଆହାନା ହିରୁତା ହୁତାଲି ଇଟି ଆହାମାନେ ।

୮ ସାମା ଏ ଜୀଞ୍ଜୁତି ତାୟି ତାଜିୟା, ମାହାପୁରୁ ନକିତା ର ଦିନା ର ମାଣା ବାର୍ଯ୍ୟ ସମାନା ଅଡ଼େ ର ମାଣା ବାର୍ଯ୍ୟ ର ଦିନା ସମାନା; ଇ କାତାଟି ଏତେଲା ବାଣା ଆଆଦୁ ।

୯ ହାରେକା ଲକୁ ପ୍ରବୁ ଖେଣ୍ଡେ ଖାନ୍ତି ଦିନା ମାନେୟିଏ ଇଞ୍ଜି ଅଣ୍ଡିନେରି, ସାମା ପ୍ରବୁ ତାନ୍ତୁ ଏଲେଇଞ୍ଜା ମାନାଣି ଏତେଲାଖା ଖେଡ଼ା କିଅସି; ଏନିକି ଆମ୍ବାଆରି ନାସା ଆଅରି, ସାମା ବାରେକାଣା ମନ ଖେଟ୍ଟା କଡ଼ିନେରି; ଇଦାଆଁ ଅଣ୍ଡାମାନା ଏହାସି ମୀ ତାକି କାର୍ମା ମେସି ମାଞ୍ଜାନେସି ।

୧୦ ✠ମାହାପୁରୁ ଖାନ୍ତି ଦିନା ର ସରୁ ଖାନ୍ତି ଲେହେଁ ଖାନ୍ଦେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାହାନେ, ଅଡ଼େ ଦାର୍ତ୍ତିତା ମାନି ବାରେ ଦିଶ୍ଟୁ ଗାଡ଼ି ଖେସାନା ରୁୟାହାନୁ, ଇଞ୍ଜା ଦାର୍ତ୍ତି ଅଡ଼େ ଏମ୍ବାଆଁ ମାନି ଆସ୍ତି ବାରେ ହିରୁତା ଡ଼ୀଞ୍ଜାହାନେ ।

୧୧ ଇ ବାରେ ଇଲେଆହାସିକ ମେଣ୍ଡାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ୀଞ୍ଜାହାଁ ମେଣ୍ଡାହାନେ ଅଡ଼େ ଦାର୍ତ୍ତିତ ବାରେ ଦିଶ୍ଟୁ ହାରେକା ଖେସାନା ରୁୟାହାନେ,

୧୨ ପ୍ରବୁ ଖାନ୍ତି ଦିନା କାପୁ କାଡ଼ାଡ଼ୟିନି ଲକୁ, ଏଦି ଏନିକି ତବେ ଖାନ୍ଦେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାକ ମାନି

ଝେଡ଼ା ଲେଖୁ ହୁକାୟା ଝେସାହାନାକି ଝିରଲାହାନୁ □

୧୩ ☆ମାର ମାହାପୁରୁ ଆଞ୍ଜାମାନି ଲେହେଁ ର ପୁଃନି ହାଗୁପାକା ଅଡ଼େ ପୁଃନି ଦାରତିଇଁ କାଟାମାନାୟି, ଆମିନି ଗାଟାୟି ଦାମୁତଲେ ବାସାଆନ୍ତି ଟାୟୁ ଆବେନ □

୧୪ ଇଦାଆତାକି ଏ ଜୀଝୁତି ତାୟି ତାଙ୍ଗିସ୍ତା, ମୀରୁ ଇ ବାରେ କାଟିମାନାକି ମାହାପୁରୁ ନକିତା ଏନିକି ପାପୁ ହିଲାଆଗାଟାତେରି ଅଡ଼େ ଦହ ହିଲାଆଗାଟାତେରି ଆହାଁ ହିଡ଼ଡ଼ି ତଲେ ମାନାତେରି ଆହାଁ ତଞ୍ଜା ଆବେରି, ଏଦାଆତାକି ଜାଡ଼ନ୍ତୁ ତଲେ ମାଞ୍ଜୁ;

୧୫ ଅଡ଼େ, ମା ପ୍ରବୁତି ହାବେରକା ଅରହିନାୟି ଗେଲ୍‌ପାନାୟି ଇଞ୍ଜି ଅଣ୍‌ପାଦୁ, ମା ଜୀଝୁତି ତାୟି ପାଝୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଙ୍ଗେତାକି ଏଲେକି ରାଟା ମାଞ୍ଜାନେସି □

୧୬ ଏଞ୍ଜାସି ତାନି ରାଟାମାନି ବାରେ ଆକୁତା ଇ ବାରେ କାତା ରାଟାନା ଏଲେକି ଝେସାମାନେସି; ଏ ବାରେ ଆକୁତା ଏତେକା କାତା ମାନେ, ଏମିନିଗାଟାଣି ତେଲ୍‌ହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଣ୍‌ପୁଗାଟି ଲକୁ, ତାମ୍‌ନାସା ଆୟାଲି ଏଟକାତି ସାବେରିତା ଏନିକି ରାସ୍‌କି ଆହାମାନେ, ଏ ବାରେ ତାଣା ଜିକେଏ ଏଲେକି ଉଜେଏତି କାତା ଝେହ୍‌ନେରି □

୧୭ ସାମା ଜୀଝୁତି ତାୟି ତାଙ୍ଗିସ୍ତାତେରି, ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆତାକି ଜାଗାତା, ଏନିକି କିଲିବିଲି କିନି ଲକୁ ତାଣାଟି ନାଡ଼ି କିଞ୍ଜି ଆଆନା ମୀରୁ ଆବ୍‌ଝା ନାମୁତା ଉଣା ଆଅତେରି □

୧୮ ସାମା ମା ପ୍ରବୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍ତତି କାର୍ମା ଅଡ଼େ ବୁଦିତା ପାଡ଼ାଆଦୁ □ ଏଞ୍ଜାଣାକି ନାଏଁ ଅଡ଼େ କାଲାକାଲାତାକି ଗାଝୁରମି ଆବେ □ ଆବେନ୍ □

ପୁସ୍ତକି ଖୋରା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକି ଖୋରା,

କୁସି ପୁସ୍ତକି ଖୋରା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 19 Dec 2025 from source
files dated 8 May 2025

c688c8bf-38ac-5c00-90bd-6e4eaa165a20